

KUVENDI KOMUNAL RAHOVEC

KOMITETI PËR ARSIM

RAPORTI I PUNËS PËR VITIN 2022

Kryesuese e komitetit

 Fahrije Lushi Morina

Komiteti për Arsim në Komunën e Rahovecit është formuar në katër mujorin e fundit të vitit 2022, me përbërje prej pesë antarëve, katër, (4) përfaqësues të Kuvendit Komunal dhe një ekspert i arsimit nga jashtë: Fahrije Lushi Morina- LDK, Ellma Hamza- PDK, Leonard Morina- LVV, Alban Bajraktari- AAK dhe Xhevdet Morina- ekspert i arsimit. Kemi mbajtur gjithësej tri, (3) mbledhje. Mbledhja e parë është mbajtur më 16 shtator 2022 (e premte), ku edhe është zgjedhë kryesuesja e Komitetit për Arsim, znj. Fahrije Lushi Morina nga LDK. Pastaj mbledhja e dytë është mbajtur më 14 tetor 2022 (e premte), dhe është bërë përpilimi i listës së shkollave, në të cilat janë realizuar takimet me drejtoritë e shkollave përkatëse. Mbledhja e tretë është mbajtur më 21 nëntor 2022 (e hënë), kemi trajtuar tema të cilat janë aktuale dhe mjaftë shqetësuese në shkollat tona në nivel vendi si dhe veçanërisht në nivel komunal, ndër to edhe:

- Niveli i shkollimit të komunitetit rom, ashkali dhe egjiptian.

- Bullizmi dhe dukuritë tjera negative në shkolla.

Rëndësi të veçantë gjatë punës sonë në shkolla , takimet të cilat i kemi realizu me drejtoritë e shkollave, synim i yni ishte të marrim nga afër shqetësimet dhe vështirësitë që hasin nxënësit dhe mësishdhënësit gjatë procesit të mësimnxënies dhe mësimdhënies. Pastaj është diskutuar edhe për ambientin e mësimi, sa i ofrojnë kushte të mirëfillta, së pari objektet shkollore, ku fëmijët janë të detyruar të qëndrojnë gjatë orarit mësimor. Si qëndron shkalla arritshmërisë në shkollat e komunës tonë, sa është interesimi për vazhdimin e shkollimit të mesëm në shkollat e komunës tonë edhe në drejtimet të cilat janë ekzistente. Sepse kemi parasysh që një numër i konsiderueshëm i nxënësve tanë ndjekin shkollimin e mesëm në komunat tjera, ani pse drejtimet e njejta janë edhe në shkollat e komunës tonë.

Nga gjithë shkollat që janë në komunën tonë, për gjatë asaj periudhe ne kemi realizuar vizitat tona vetëm në disa prej tyre, siç janë: “Shkolla e Mesme 12 Maji”- Ratkoc, Shfmu “Mustafë Ibishi”- Kramovik, Shfmu “Hamëz Thaqi”- Xërxë, Shkolla e Mesme “Ukshin Hoti “ Krushë e Madhe, Shfmu “Isa Boletini”- Rahovec, Shfmu “Gëzim Hamza- Piktori”- Rahovec dhe Shfmu “Lidhja e Prizrenit”- Opterushë.

Në përgjithësi shqetësuese ka qenë rënia e numrit të nxënësve, po ashtu dukuri tjera që janë ekzistente çdo ditë e më tepër si: bullizmi, dhuna në shkollë, mungesa e sigurisë etj. Sa i përket buxhetit të shkollave dhe paisjes me teknologji bashkëkohore, laboratorë të lëmive përkatëse, kemi hasur gati në se cilën shkollë. Ani pse ka mjaftë për t’u bërë, për ne si komitet shqetësuese ka qenë gjendja e nyjeve sanitare në disa shkolla si dhe në disa prej tyre mungojnë edhe hapsira elementare për realizimin mirëfilltë të mësimi. Ka patur kërkesa nga më të ndryshmet nga ana e drejtorive, mirëpo nga ajo që kemi parë edhe ne si komitet për së afërmi ka qenë objekti i Shfmu “Gëzim Hamza- Piktori”, ku edhe drejtori i kësaj shkolle n’a është drejtu me kërkesën që të marrin parasysh si nga ana e DKA-së dhe kryetarit të Komunës, dhe të kenë një objekt të ri shkollor që t’u plotësohen hapsirat e nevojshme nxënësve.